



Universitätsbibliothek Paderborn

DE || LIBERTATE || CHRISTIANA ||

Lensaeus, Johannes

Antverpiae, 1590

Capvt X. Hac quoque in parte diminutum esse hominis principatum, quòd ei nec elementa mundi, vt velit seruant: sed quandoque etiam vsque ad interitum dominantur.

[urn:nbn:de:hbz:466:1-46059](#)

mus, & non est morbus. hoc igitur morbo nuptiæ summa Paradisi sanitate & integritate, nullo modo laborassent: sed sicut ad ambulandum pedes, ad operandum manus, linguam ad loquendum, nunc & iusta corruptione libera ratio mouet: ita tunc quoque genitalia membra non libidinis æstus, sed voluntas natus mouisset. Quod si qui propterea non putent credendum, quia tantæ modò puritatis exemplibus in humanis exstare nullum videatur; non credant idem oportet, virum illum qui primus omnium fuit non de viro, sed de luto procreatorem, & ei feminam latere dormientis excitatam. Quid enim horum iam simile? Sed sicuti hæc facta sine exemplo credunt, qui diuinis literis narrantibus asseruntur: ita illi quoque rei fidem ab his conciliare debet, quod scriptum est de generis nostri principibus, Erant ambo nudi, & nomen non confundebantur.

CAPVT x.

Hac quoque in parte diminutum esse hominis principatus quod ei nec elementa mundi, ut velit seruant: sed quoque etiam usque ad interitum dominantur.

TE R T I U M est amissi principatus argumentum, quod nec ipsa quidem elementa mundi huius eam, ad quam diuinitus instituta sunt, exhibeant homini per omnia seruitutem. Etenim creatus fuerat homo, condito iam orbe; non ut quasi vilissimus ultimum in locum videretur esse reiectus: verum ut tanquam princeps ac dominus preparatus sibi in regnum ac domicilium introduceretur: ubi subseruiretur ad numerum uniuersa, & subiecta quæque res promptissime suos usus cum expeterentur exhibens, congruum præberet domino pro sua naturæ gradu famulatum. Faciamus, ait Deus, hominem ad imaginem & similitudinem nostram, & præsit piscibus maris, & volatilibus

cæli

cæli, & bëstiis, vniuersæque terræ. Quem ad locum
diuus Chrysostomus, tributam homini dignitatem
admiratus, Vidisti, inquit, inenarrabilem potestatem? *Homil. 10. in
vidisti principatus magnitudinem? vidisti omnia sub
cap. 2. Genes.*
huius potestatem reducta? Nihil enim mediocre de
rationali hoc animante cogitandum est. Sed cogita ho-
noris magnitudinem, & Domini erga illud beneuo-
lentiam: Omnia enim subiecit sub pedibus eius, oues *Psalm. 8.*
& boves vniuersas, & omnia pecora campi. Qui pro-
ducit in montibus foenum, & herbam seruiti homi-
num. Ac seruiunt quidem omnia nunc quoque; sed ut
principatum intelligas mutilatum esse, rerum subie-
ctarum, hoc est, cæli, terræ, ignis, aëris, aquæ, necessaria
frequenter officia subtrahuntur. Sæpe negat desidera-
tos imbreces cælum: pro calore, frigus: pro frigore, calo-
rem & æstus subministrat. non licet puro semper aëre
frui, neque ex eo corporibus optata salubritas pro vo-
to colligitur. Quid terra? nonne & culta & stercorata,
ex iis etiam quæ suscepit seminibus, fructum ferre
recusat?

Est & frumenti labor additus, ut mala culmos

Lib. 2. Georg.

Esset rubigo, segnisq; horreret in aruis

Carduus, intereunt segetes, subit aspera silua,

Lappæq; tribuliq;, interq; nitentia culta

Infelix lolium & steriles dominantur avenæ.

Fallit sæpe quoque putata & florens vitis, atque exspe-
cta, ut faceret vias, ingerit labruscas. *Quin & matu-*
rū, ut ille air, metuendus Iuppiter viis. Sic inanis quoti-
die redditur agricolæ labor, & spes coloni suo frau-
datur eventu:

Quod nisi & assiduis terram insectabere rafiris,

Lib. 1. Georg.

Et sonitu terrebis aues, & ruris opaci

Falce premes umbras, votisq; vocaueris imbrevis:

Heu magnum alterius frustra exspectabis aceruum,

Concussuq; famem in silvis solabere queru.

Quid

Quid iam ignis? quid aquæ commemorem elementa
 his enim manifestum est & carere nos frequenter in-
 uitos, & ubi non defuerint, in cassum adhiberi. Nobis
 igitur hæc pro arbitratu non seruiunt, quoniam Dei
 nostro ac Domino nos ipsi non seruimus. hinc Demo-
 trianum increpâs Cyprianus, quod is Christianis im-
 putaret ruinam, decrementa diminutionesque bono-
 rum; Quereris, inquit, quod minus nunc tibi vberi
 fontes & auræ salubres, frequens pluvia & fertilis ter-
 ra obsequium præbeat: quod non ita utilitatibus tuis
 & voluptatibus elementa deseruant. Tu enim Dei
 seruis, per quem tibi cuncta deseruiunt? tu famulari
 illi, cuius nutu tibi vniuersa famulantur? Et quoniam
 hæc pietas qua Deo seruitur, magis magisque pro-
 gressu temporum languescit, debilitari quoque cerni
 mus in rebus naturæ vim, mundumque ipsum quo-
 dammodo consenescere, & occasum sui terum laben-
 tum probatione testari. Vnde sunt illa apud euidentia
 Cyprianum: Non hieme nutriendis seminibus, tan-
 imbrium copia est: non frugibus æstate tortendis, so-
 lita flagrantia est: nec sic verna de temperie sata lati-
 sunt: nec adeò arboreis fœtibus, autumna fœcunda.
 Minus de effossis & fatigatis mortibus eruuntur ma-
 morum crustæ, minus argenti & auri opes suggerent
 exhausta iam metalla & pauperes venæ: breuiatur in
 dies singulos & decrescit ac deficit in agris agricola, in
 mari nauta, miles in castris, innocentia in foro, iustitia
 in iudicio, in amicitiis concordia, in artibus peritia, in
 moribus disciplina. habes igitur quemadmodum non
 pro voto, mortalium visibus, mundi huius elementa
 deseruant. Quæ, si recti permanessemus, principia
 tumque nobis attributum, pia sub Dei legibus obe-
 dientia tenuissemus; suorum fructus seminum, expe-
 ctataque messis cōmoda, nullo nostro labore fatigata,
 nullo sudore quasi coacta, promptissimè præbuissent.

Submi-

*In tractatu
contra Demet-
rianum.*

Subministrasset, vt quidam ait, Terra, cibum pueris; vestem, vapor: herba, cubile. Aureum illud seculum existisse, & gentilis præ se ferebat opinio. quam his versibus expressam Poëta reliquit:

Verg. Georg.
lib.

Ante iouem nulli subigebant arua coloni,
Ne signare quidem aut partiri limite campum
Fas erat. in medium quærebant, ipsaq; tellus
Omnia liberius nullo poscente ferebat.
Ille malum virus serpentibus addidit atris,
Prædariq; lupos iussit, pontumq; moueri,
Mellaq; decubuit foliis, ignemq; remouit,
Et passim riuis currentia vina repreßit,
Ut varias, vsus meditando, extunderet artes
Paulatim, & fulcis frumenti quæreret herbam,
Et silicis venis abstrusum excuderet ignem.

Tandemque concludens:

Tum varia venere artes, labor omnia vincit
Improbis, & duris virginis in rebus egestas.

Itaque Poëta veram causam immutati rerum status ignorantes, aliquam in reperiendatum artium utilitate finixerunt: quibus artibus nihil fuisset opus, nisi egitas inuassisset, vt esset (quemadmodum ille inquit) Artis magister, venter. Iam vero quantum & ad perniciem afferendam sæpen numero mortalibus elementa præualeant, non facile est ignorare: quando alij præfocantur aquis, alij icti fulminibus vel æstu Solis intereunt, alij terre ruinis obruuntur, quosdam vorax flamma consumit, nonnullos pestifera corruptit aura, denique alios succorum herbarumque letiferarum venena disrumpunt. Illud quoque frequens:

Persius.

Cum modò frigoribus premimur, modò soluimur æstu, Ouidius.

Aere non certo, corpora languor habet.

Quid plura? Ius quasi quoddam in peccati seruos ad affligendum puniendumque accepisse elementa videntur: vt nō modò propter morbos varios, quorum sunt innu-

innumerabiles formæ, aut cruciatus vel indigétiarum necessitates plurimas: verum etiam propter tam multiplices eorum corporum, quorum tamen vobis carere non possumus, iniurias, quibus vel necamur, vel torquemur, vel terremur, dictum esse meritò videatur in Psalmo: Multa flagella peccatoris: sperante autem in Domino, misericordia circundabit. Hinc apud Poëtam Ariadne suam fortunam deplorat eiusmodi verbis:

Ovid. epist. 10.

*Occurrunt animo pereundi mille figure,
Morsq; minus pæna, quam mora mortis, habet.
Iam iam venturos aut hac aut suspicor illac,
Qui lacerent auidos viscera dente lupos.
Forsitan & fuluos tellus alit ista leones,
Quis seit an hac seua Insula Tigres habet?
Et freta dicuntur magnas expellere Phocas:
Quis veiat & gladios per latus ire meum?
Tantum ne religer dura captiuac catena,
Néve traham serua grandia pensa manu.
Si mare, si terras, porre q; littora vidi,
Multæ mihi terræ, multæ minantur aquæ.
Cælum restabat; timeo simulacra Deorum;
Destituor rapidis præda cibusq; feris.
Siue colunt habitantq; viri, diffidimus illis:
Externos didici laſa timere viros.*

Cap. 16.

Quoniam igitur elementis mundi huius abusa est humana prauitas ad Dei contemptum, his se se turpiter seruiendo subiiciens, cum eorum excitari contemplatione debuisset ad amorem conditoris: idcirco & eorum ministerio Deus utitur ad ultionem impiorum, quemadmodum est in libro Sapientæ scriptum: Negantes te nosse impij, per fortitudinem brachij cui flagellati sunt, nouis aquis & grandinibus & pluviis persecutio[n]e passi, & per ignem consummati. Quod enim mirabile erat, in aqua, quæ omnia extinguit, plusignis valebat,

valebat. vindicta est enim orbis iustorum. & aliquanto
post: Creatura enim tibi factori deseruiens, exاردescit ^{Ibidem}
in tormentum aduersus iniustos, & leuior fit ad bene-
faciendum his qui in te confidunt. Rursum eiusdem
libri cap. 5. Et accipiet armaturam zelus eius, & arma-
bit creaturam ad vltionem inimicorum; acuet diram
iram in lanceam, & pugnabit cum illo orbis terrarum
contra insensatos. Ibūt directè emissiones fulgurum,
& tanquam à bene curvato arcu nubium extermina-
buntur, & ad certum locum insilient. Et apud Eccle-
siasticum: Ignis, grādo, famēs, & mors, omnia hæc ad ^{C. p. 387}
vindictam creatā sunt; bestiarum dentes & scorpij &
serpentes, & romphæa vindicans in extermīnum im-
pios. In mandatis eius epulabuntur, & super tetram
in necessitate præparabūt, & in temporib⁹ suis non
præterient verbum. Exequi declarat hēc omnia prom-
ptissimè Dei voluntatem in peccatores, quæ nisi iusta
esse non potest. neque enim fas est de eo id sentire
quod ille de Ioue suo dicere non dubitauit:

Iuppiter in multos temeraria fulmina torquet,
Qui pœnam culpa non meruere pati.
Obruerit cūm tot seuis Deus æquoris vndis;
Ex illis mergi pars quota digna fuit?

Ouid. de Pente
lib. 3. Eleg. 6.

Nos verò iusta Dei esse iudicia didicimus confiteri,
alienumque esse ab illius summa virtute, eum qui pu-
niri nō debeat, condemnare. Præualent igitur iustissi-
mo Dei iussu, ac quodammodo in impios elementa
dominantur, quæ iustis & integris nullum inferre no-
cumētum vel leue potuissent. ipsa nimirum innocen-
tia regnate, proculque omnem propulsante iniuriam.
Cuius quidem rei specimen quoddā editum est, circa
tres viros illos sanctos, Sidrac, Misac & Abdenago, ^{Daniel. 3}
quos in fornacem flammantem coniectos non attigit
ignis, neque contristauit, neque vlla prorsus affecit
molestia. Angelico enim ministerio præstitum est hoc

L

anno

innocentiae, ut nihil in illos ignis posset, sed potius tanquam suæ virtutis oblitus, & ledere veritus, refugiet atque resiliret. Neque tamen negauerim illa tum exoritura fuisse ex ipsis terræ seminibus, quæ modò venena vocantur. Sed neque imprudentia, quæ nulla fuisset, neque cuiusquam iniuria, cui nullus est cum innocentia locus, obfuissent. aliis animantibus salubreñ administrassent cibum, quæ ab homine sumpta, necem afferunt. Isturni enim vescuntur Conio, hoc est, Cicutæ, nec fraudi est eis: quia sui qualitate corporis, venenū succi letalis euadunt. Helleborum quoque periti ferunt escam esse Coturnicum, eo quod naturali temperamento sui, vim pabuli nocētis euitent. Itaque sæpe quæ homini noxia sunt, aut auibus, aut feris innoxium pabulum suppeditant. sicuti & illis noxia sunt interdum ea quibus humana corpora nutriuntur. Nam

Lib. 20. contra Faustum, c. 13. panem, qui quotidiana esca nostra est, si accipiter suamat, extinguitur, inquit Augustinus. Prospiciebat etiam Deus futurum hominis statum, eaque paravit quæ ad eius castigationem ac repressionem pertineret.

Lib. 2.鸿书, c. 6. Vnde hæc sunt apud diuum Ambrosium: Ne hoc quisquam reprehendat, quod creator serpentes, inquit, creaturis suis, aliaque vel animantium vel herbarum genera venenata miscuerit. Nata sunt enim hæc ad correptionem nostram, non ad deformationem, nam quæ ignavis aut infirmis aut impiis offensioni atque terrori sunt, aliis usui. Ita sunt hæc, ut pedagogi patullis: amari videtur, acerbi & molesti, formidabiles verbere, libertatem lasciuiedi negant, necessitatem disciplinæ exigunt, pueriles animos, ne luxu diffluant, terrore constringunt: ideoque horum austerritate frugi euadunt, sobrij, continentes, laudi magis quam ludo dediti. Vides quid terribilia illa flagella proficiant? Sic & serpentes flagella sunt eorum, quibus infirma animæetas & quædam puerilis mentis est virtus: ceterum

fortioribus nocere non possunt. Denique confidenti
in Domino dictum est : Super aspidem & basiliscum
ambulabis, & conculcabis leonem & draconem.
Signa quoque hæc credentium dixit fore, vt serpen-
tes manu mulceant; venena his atque omne mortife-
rum, etiā si biberint, nocere non possint. Et hic quidem
sit libri quarti finis : vt in instituto alterius tractationis
initio, quānam ratione de tam multiplicibus seruitutis
nostræ malis erui queamus, deinceps consideremus.

Marcii 18o.

DE CHRISTIANA LIBERTATE

LIBER QVINTVS,

*Continens viam & modum recuperationis
per Christum libertatis.*

PROOEMIVM.

Si posteaquam generis nostri deplo-
randam funestamq. seruitutem ostendimus, quinto nunc loco eius excu-
tiendæ rationem commonstremus: ad
ipsum, vt arbitror, rerum ordinem,
tractationis formâ ac seriem accom-
modauerimus. Siquidem cùm in calamitosam serui-
tutis conditionem quispiam incidit; simul vt hoc sen-
serit, nihil habere solet prius, nihil in votis potius,
quàm vt dissoluendæ eius certam possit viam ratio-
nemque prouidere. est autem ea nobis non nostra in-
dustria reperta, neque illa humana vi constituta; sed
inuenta diuinitus, sapientiæque ac benignitatis æter-
nae quadam impressione consignata: vt & in re esset

L 2

mani-